

KANTON SARAJEVO

SKUPŠTINA KANTONA SARAJEVO

NAROD I PRAVDA

Danijela Kristić, zastupnica

PREDMET: ZASTUPNIČKO PITANJE

Ovim putem dostavljam zastupničko pitanje za JU STUDENTSKI CENTAR

Pitanje glasi :

Obzirom da nisam zadovoljna dostavljenim odgovorima na dva zastupnička pitanja upućena JUSC, sa sjednice Skupštine održane 27.02.2019. godine. Odgovori su vrlo paušalni, dostavljeni su podaci koji nisu traženi, a u istinitost dostavljenih informacija u velikoj mjeri sumnjam, za šta imam relevantne dokaze koje ću dostaviti kao prilog. Potrebna su mi dodatna pojašnjenja i dostava dokaza za ono što je navedeno u odgovorima, te ću stoga iskoristiti priliku da postavim dva dodatna pitanja za JU Studentski Centar Sarajevo.

U odgovoru na moje prvo pitanje o broju zaposlenih u JUSC tokom 2018 i 2019 godine, pored niza nepotrebnih informacija, odgovorili ste *„kako su sva zapošljavanja vršena uz saglasnost Vlade (određeno i ne određeno) uz provedenu konkursnu proceduru, da u 2019 godini nije bilo zapošljavanja, te kako je inspekcija izvršila nadzor i nije našla niti jednu zamjerku“*.

- Molim vas da pojasnite, na osnovu koje saglasnosti (dostavite istu), su raspisani konkursi u 2019 godini na dvije pozicije (portir i stručni saradnik za ekonomske poslove), koje su već popunjene sistematizacijom radnih mjesta, **a tvrdite da u 2019 godini nije bilo zapošljavanja?** U prilogu oglaš objavljenih konkursa u 2019 godini.
- Isto tako tvrdite da inspekcija nije imala nikakvih zamjerki na zapošljavanje u JUSC. Kako onda tumačite inspekcijski nalaz (koji Vam dostavljam u prilogu), kojim se traži obustavljanje konkursne procedure koju ste već doveli do kraja? Molim Vas za detaljno pojašnjenje.
- Pored inspekcijskog upozorenja, raspoložem informacijom da je portir počeo da radi stoga tražim povratnu informaciju da li ste svjesno prekršili inspekcijsko upozorenje?
- Takođe molim da mi se dostavi na osnovu koje saglasnosti i dalje vršite upošljavanje radnika na godinu dana, jer ste u proteklom periodu uposlili jednog uposlenog na poziciju molera nakon što mu je istekao prethodni ugovor na godinu dana, a raspoložem informacijom da se to radi bez ikakvih saglasnosti.

Da li ovo znači da ste nas htjeli prevariti dostavom pogrešnih podataka i da bez ikakvih saglasnosti svjesno kršite moratorij na zapošljavanju u Javnim Ustanovama KS? **Upozoravam Vas na obavezu dostave tačnih i istinitih informacija i podataka, te postupanja u skladu sa odlukama Vlade i Skupštine KS.**

Pitanje 2.

U svom odgovoru na moje drugo pitanje potvrdili ste moja saznanja kako su uposlenici koje ste primili na neodređeno u 2018 godini, nakon zasnivanja ugovora na neodređeno potpisivali i raspoređivani na drugo radno mjesto, što svakako otvara puno sumnje u provedene radnje i stim u vezi informisat ću nadležne organe. Kao dopunu informacija molim da mi se dostavi:

- Tražim da se dostavi saglasnost Vašeg UO o traženju zapošljavanje na neodređeno, što je obaveza kod pribavljanja saglasnosti od Vlade KS. Zatim saglasnost Vlade koju imate, na zapošljavanje na neodređeno vrijeme, dokaz provedene konkursne procedure za ta zapošljavanja na neodređeno (objava konkursa, i imena prijavljenih kandidata, kao i onih koji su primljeni).
- Na koja radna mjesta su primljeni a na koja radna mjesta nakon toga raspoređeni ti uposlenici, sa tačnim nazivima radnih mjesta i pripadajućim iznosima koeficijenata prije u oba slučaja?
- Da li među njima ima onih koji su primljeni sa SSS, a raspoređeni na pozicije koje zahtjevaju VSS, te da li je pri tome ispoštovana obaveza pripravnčkog rada ako je bilo takvih uposlenih koji u primljeni?
- Da li je bilo povećanja plate i koliko u procentima za svakog raspoređenog, odnosno da li su raspoređeni na pozicije u ravni one na koju su primljeni ili na veće pozicije sa višom platom?

Sarajevo 06.05.2019.godine

Zastupnica u Skupštini KS

Danijela Kristić